


交城縣誌卷之六



錢塘 趙吉士編次



選舉攷目錄 計十條



進士

舉人

外藩科三附

恩歲貢

薦辟

武科

廕襲

例授

雜職

雜科

交城縣誌

卷之六

選舉攷

鄉舉里選昉於成周建於唐宋限以科目元明
參酌古今初行辟舉繼定科貢鴻儒異材登進
由之凡蘊爲德行宜爲文章措諸事業章章可
數矣援用採紀俾景仰思齊者知所擇至於援
例武弁咸有需於國用因併附之誌選舉
趙吉士曰漢以前用人不拘資格隋唐以來始
重科甲歷代因之卽有英君賢相欲一變之而

不可文之不能復返而忠質也勢使然也然奇
才大節亦往往出其中上所向下所勸何必盡
同上古交城之立始於隋開皇科舉之興起於
隋大業蓋風氣所開有不符而合者然五代以
前渺矣疑者闕之宋不足徵也吾考其可徵者
斷自有元迄于

國朝得若而人雜科附之其亦猶鄉舉里選之遺意
乎

進士

元

聶天章 見鄉賢

郝文蔚

明

正統壬戌科

常茂 陽渠都人山東道御史時總兵石亨擅
權官多阿附公獨剛正自持轉陝西副
使

成化癸丑科

李天賦 市東廂人景之子授泌陽知縣居官清
廉擢湖廣監察御史內陞尚寶寺卿轉

湖廣參政陞遼東苑馬正卿

韓祐 安定都人 籍之子 歷官刑科 給事中 吏科 左給事中 奏議不避權勢 詳見墓誌

正德辛巳科

解一貫

西南都人 理之孫 一經之弟 歷官工科 給事中 吏科 都給事中 遇事不阿 論列 省切時務 嘉靖初 因議大禮 忤吏部 桂 萼 謫 判 開州 回籍

胡體乾

市崇坊人 昂之曾孫 貴州道御史 巡按 山東 陝西 南直 轉永平 河間 府知府 歷 官 浙江 副使 河南 按察使 四川 右布政 河南 左布政 宦遊二十載 不受賄賂 不 恃權勢 不置田宅 致政 歸日 與親友 詩 酒為樂 屢薦不起

癸未科

楊一奇

崇儒坊人 河南嵩縣知縣 執法除暴 吏 畏民懷 陞陝西鄜州知州 未赴任 回籍 卜居洪安 義望村 所著有太極圖說畧 義學史談易經四書讀書錄補讀詩紀 見自笑錄體物韻語行於世

萬曆戊戌科

曹命新

崇儒坊人 寶之曾孫 授鎮原知縣

崇禎丁丑科

李之奇

市東廂人 天賦曾孫 授行人司行人 考 選福建道御史 巡按山東四川 調補江 西都司都事 裁缺

國朝

順治丙戌科

武攀龍

屯蘭都人授洛陽縣知縣擢刑科給事中轉上湖南道歷任河南督糧道叅議通薊道副使江寧兵備道布政使司叅政

誥封中大夫致仕

郭鎮

市東廂人授直隸新城縣知縣調湖廣城步縣知縣

胡揚俊

市崇坊人體乾曾孫授河南商丘縣補福建邵武縣知縣

順治壬辰科

常大忠

陽渠都人茂之曾孫授四川梓潼知縣補江南潛山知縣陞保定府同知卒於官清廉正直所至有異績人思慕之入保定府名宦

順治乙未科

張鼎新

大陵屯人授河南遂平縣知縣

舉人

明

洪武

閻英

丙子科鳳翔府教諭

永樂

白鳳

道德坊人乙酉科授耀州知州

解理

西南都人乙酉科授渭南知縣

武忠

屯蘭都人甲午科授邠縣主簿

武枚

水東都人甲午科授鄆陵知縣

安 惠 却上都人甲午科四川按察司經歷

薛 昭 西遇坊人丁酉科

徐 肅 移風坊人丁酉科官刑部主事

王 符 庚子科

魏 瑾 太平坊人癸卯科光祿寺監事

王 黼 癸卯科授中部主簿

宣德

胡 昂 市崇坊人壬子科經魁黃縣訓導陞

田 榮 道德坊人壬子科

申 睢 道德坊人乙卯科經魁新樂教諭志大才長惜未竟其施

正統

韓 鏞 安定都人戊午科無極教諭

常 茂 辛酉科見進士

景泰

魏 恭 太平坊人庚午科授陝西渭南知縣調河南新安知縣有爭訟者屢歲不決恭

至一訊即服獲盜乃自責曰此吾不能以德化民致然耳他盜聞之皆改行爲

善都御史王恕薦於朝陞西安府通判改荊州府入新安名宦見河南通志

單紹宗 中西都人丙子科授陝西宜川縣知縣

天順

單紹祖

中西都人紹宗之兄已卯科定遠山海衛知事

李景

市東廂人壬午科都察院司務陞戶部郎中江西南康府知府致仕

楊縉

壬午科授舒城知縣

成化

韓祥

安定都人祐之兄乙酉科陝西扶風縣訓導陞蒲城縣教諭

孫尙志

太平坊人年十八中辛卯科亞魁授德州知州有政績以憂去服闋德人五百餘赴部復保任德州其得民心如此

趙忠

甲午科授延川知縣

李天賦

癸卯科見進士

常永澄

陽渠都人茂之子癸卯科亞魁資性穎異苦志力學未仕而卒

韓祐

癸卯科見進士

弘治

李天昇

市東廂人景之子乙卯科授山陽盱眙知縣陞慶陽府通判

韓宗孔

市東廂人辛酉科都督府都事陞宗人府經歷潘府長史

解一經

西南都人甲午科見鄉賢

正德

解一貫

丁卯科解元見進士

王麟 西隅坊人丁卯科授安陽知縣與九龍共乳而生賦性醇樸好學不倦督學雷公考第一以貢讓兄龍雷公義之

姚憲 來蕪坊人丁卯科篤學能文授渭南同官知縣

王騰鵬 却下都人已卯科刻意經籍兼通子史詩律尤善書法授直隸保定府通判

胡體乾 已卯科見進士

嘉靖

楊一奇 壬午科見進士

解學禮 來蕪坊人壬午科乾元之子授直隸衙水縣知縣

劉體仁 太平坊人戊子科授河南考城知縣性剛介有善政以艱去補膏施知縣陞陝西岷州知州西安府同知進階朝列大夫致仕

田西成 道德坊人植之子辛卯科授陝西華亭知縣詢河南儀封知縣喜讀周易好學不倦

王三重 西隅坊人龍之孫丁酉科英敏有奇才工古文辭授直隸遵化縣知縣歸田力敦孝友遠近稱之

覃詩 中西都人紹宗曾孫癸卯科授河州知州

楊元義 辛北都人已酉科授寶坻知縣改長葛縣知縣

王衍義 西隅坊人三重之子甲子科授順天府永清縣知縣

萬曆

曹畧篆 崇儒坊人寶之曾孫雲鵬之孫丙子科授直隸靜海縣知縣陞永平府同知致仕

曹命新 戊子科見進士

韓與行 原瓶都人淮之玄孫瑄之曾孫癸卯科授陝西咸陽縣知縣

閻國本 市東廂人丙午科授直隸贊黃縣知縣陞河間府通判清直方正尊師重學有古人風

天啓

田斯茂 道德坊人西成之孫甲子科經魁授高平教諭陞香河縣知縣

崇禎

李之奇 丙子科見進士

武攀龍 巳卯科見進士

胡揚俊 壬午科見進士

國朝

順治

郭鎮 乙酉科見進士

常大忠 丙戌科解元見進士

張鼎新 戊子科經魁見進士

孫浩 太平坊人尙志之曾孫辛卯科

張翀霄 大陵屯人丁酉科未仕而卒

康熙

張冲光 陽渠都人癸卯科

劉爾鼎 水東都人己酉科

外籍科目

明

弘治

胡進律 陝西平涼府籍昂之孫乙酉科授藍亭知縣陞成都府知府

趙宗 長陵衛籍己未進士慶陽府推官

嘉靖

郝銘 蔚州籍乙酉科授衡水任丘知縣擢監察御史

郝傑 銘之子丙辰進士中書舍人擢監察御史歷官兵部尚書

何子壽 錦衣衛籍己未進士歷官江西左布政使

隆慶

李承武 錦衣衛籍成村都人丁卯科授原武知縣陞平涼府通判西安府同知

萬曆

郝洲 蔚州籍銘之孫癸酉科

思歲貢

明

洪武

李敏 道德坊人戶部司務

石璞 畱守右衛經歷

王士廉 濬縣知縣陞刑部主事

馮吉 光祿寺署丞

韓忠 環縣知縣

永樂

楊 璠 臨洮府經歷

閻 純 戶部郎中

潘 祥 鄜州同知

齊 禮 大僕主簿

宣德

田 疇 道德坊人山東章丘知縣陞登州府通判莒州知州致仕累進奉政大夫

正統

白 翼 道德坊人鳳之子陝西布政司都事

單 濬 中西都人保定州訓導

韓 灌 陞信知縣

安 泰 萊陽訓導

盧 敏 四川塩課司提舉

崔 俊 定州衛經歷

閻 玠 開元衛經歷

張 恕 戶部主事陞郎中

景泰

王 瑀 清澗典史

孫 凱 虎賁衛經歷陞耀州同知

劉瑄

霑化知縣

王鎰

麟遊縣丞

陳義

鴻臚寺序班

天順

孔哲

大典關副使

張啓

富國衛大使

張海

保定衛經歷

李憲

道德坊人齊東典史

耿資

豐潤縣丞

武宣

孫震

劉潔

安州吏目

成化

張永通

綏德州判

郝賓

崑山主簿

賈祺

廣平府照磨

呂守原

華亭主簿

韓定

河南都司經歷

魏謙 魚臺縣丞

成讀 合水訓導

李菓 道德坊人

齊肅 萊州府知事

郝存吉 魯陽王府教授

蘇毅 永平府照磨

閻瓚 常熟縣丞

周忠 獻縣縣丞

安昌 麟遊教諭

弘治

楊宗義 泰安州判

陳汝嘉 懷慶府經歷

胡謙 海門衛知事

薛成

李遇賜 道德坊人 歷城主簿

田子儀 疇之孫 咸寧主簿 清謹愛民 任三載卒 於官貧不能歸

孫威

李進 汧陽訓導 陸華亭教諭

正德

單璧

中西都人鷹揚衛經歷

王龍

西隅坊人與弟麟共乳而生天性孝友以部元授淮安府判賑兩淮饑辨盜粟寃在官四載浩然而歸

曹寶

崇儒坊人善良清潔當貢讓於友分教洪獻二縣陞鎮藩教授

武靜

棗陽訓導

解乾元

來蕓坊人寶坻縣丞

李孔陽

道德坊人

韓遇旺

羽林衛經歷

樊宗

延安府通判

孫繩武

北京中城兵馬

康健

舞陽縣丞

姚子遷

思縣縣丞

嘉靖

陳堯道

西隅坊人

田植

子儀之子勤學有守失明未仕

彭桂林

撫寧主簿

潘思聰

武陵縣丞

潘思昭

涇水主簿

武顯名

屯蘭都人鎮安知縣

胡繼之

元氏知縣

解孔傳

來蕪坊人華州同知

曹雲鵬

崇儒坊人寶之子性剛直長於論學授新安濬縣司訓陞膚施教諭潞安府教授致仕

趙邦垣

鞏昌府訓導

曹雲路

崇儒坊人寶之子雲鵬之弟無極縣訓導

薛朝封

太和主簿

和憲

田登

涇陽主簿

郭雲鳳

綏德訓導

魏希孔

安塞訓導兩當教諭

安天明

廣寧杞縣訓導

姚宋儒

文登縣丞

蘇鐸

密雲訓導

賈上策

固原西安訓導涇陽教諭

王雲鵬

禹城訓導致仕賦性端樸接物謙恭

覃世懷 中西都人安貧事母以孝著聞

王仲恩 西隅坊人

鄧凌漢 南陽訓導

王朝綱 却下都人陽谷訓導陞壺關教諭持正守義不阿於人

楊柳 道德坊人同州同知陞潘府審理

覃愛耕 中西都人勤苦博學

隆慶

閻淳古 陝西靜寧州訓導陞同官教諭學問淵邃辭氣儒雅

劉采 單西都人河內訓導陞長安教諭蓮司教授晉府記善

陳謙 西隅坊人恩貢

康兆民 道德坊人恩選河南舞陽縣丞致仕

白可嘉 道德坊人恩貢臨漳主簿陞永壽縣丞

萬曆

劉道源 來蘓坊人恩選襄陵訓導清澗教諭御史旌其孝

張寬 靈石訓導陞西河王府教授

田滋 道德坊人西成之子

白可簡 道德坊人可嘉之弟大同訓導以艱去補霸州陞長治教諭

曹祭 雲路之子

申純

道德坊人授蒲州訓導陞河南登封教諭榮澤知縣

王命恩

西隅坊人麟之子直隸雄縣縣丞民服其清

王 藥

西隅坊人絳州訓導

韓九德

市東廂人宗孔之孫山陰訓導陞雄縣教諭高唐學正萊州府教授致仕

田 需

道德坊人疇之曾孫河澗主簿

韓與行

見舉人

武去橫

道德坊人沁州訓導

常 福

陽渠都人保定府訓導河南新鄭教諭

安 穩

却上都人直隸饒陽訓導

韓與立

市東廂人與行之兄陵川縣訓導陞涇山教諭朔州學正

陳一選

西隅坊人思選太平訓導陞岳陽縣教諭致仕

李奇雅

市東廂人猗氏縣訓導卒於官

李 槃

道德坊人授山東金鄉縣訓導陞城武縣教諭

石 堅

却上都人璞之曾孫直隸安平訓導陞平陽岳陽縣教諭霍州學正

王于周

西隅坊人麟之孫命恩之子授寧武所訓導

田讓畔

道德坊人榮之曾孫高唐州訓導

郭元泰

成村都人

丁時慶

市東廂人

韓士昌 市東廂人 准之曾孫 澤州訓導 陝西平利縣教諭

泰昌

武士縉 道德坊人 恩選 考州同知

孔律時 市東廂人

天啓

胡忠 市崇坊人 昂之玄孫 體乾之孫 恩選 授山東青州府莒州判

田斯茂 見舉人

申傳義 道德坊人 純之子 萊州府經歷 陝西平涼衛經歷 以守萊軍功 陞通判

張斗 陽渠都人 蒲州訓導

牛山美 中西都人

白受采 水北都人 山東齊東縣教諭

陳敏學 市東廂人 懷仁縣訓導 陞襄垣縣教諭

韓士瞻 市東廂人 九德之子

崇禎

趙煥 青村都人 恩選 陝西咸寧縣主簿

劉用可 太平坊人 體仁之孫 安邑縣訓導 陞稷山縣教諭

劉傑 太平坊人 用可之子 陝西藍屋縣訓導 陞蒲城教諭

韓世守 市東廂人 選貢 山東泰安州同知

丁瑾 市東廂人考准州同知

田斯暢 道德坊人西成之孫斯茂之兄

孔刪詩 市東廂人

陳三才 西隅坊人

國朝

順治

白承寵 道德坊人可嘉之子恩貢江西袁州府經歷致仕

韓萬春 市東廂人士昌之子北直霸州判

常偉 陽渠都人茂之曾孫永寧州訓導

安汝諧 辛北都人馬邑縣訓導

趙愈隆 市崇坊人汾陽縣訓導

張奇英 道德坊人恩貢授冀州判陞顛榆縣知縣

孔憲文 市東廂人刪詩之子恩貢授山東青城縣知縣告疾歸里

解之麟 來菴坊人學禮之曾孫授江西新淦知縣未任丁艱服闋補福建龍巖縣知縣致仕

丁世淳 市東廂人授貢授福建惠安縣知縣丁艱補浙江仁和縣知縣

張紹載 陽渠都人老營堡訓導

衛懿典 水東都人

單文

中西都人河南宣慰使

單敬

中西都人漢陽知府

武科

元

單資榮

中西都人見鄉賢

謝沒歡

定遠大將軍西涼路遠魯花赤

單資用

中西都人見鄉賢

謝仲温

通奉大夫淮東宣慰使

單澄

中西都人見名宦

謝君寶

嘉議大夫江州路遠魯花赤兼管領勸農事

解義

西南都人元統間兵帥

武之望 屯蘭都人攀龍之子恩選

李獻瑞 道德坊人槃之子

閻暢 水東都人

李若泌 市東廂人之奇之子庚子科副榜貢

康熙

王拱筵 太平坊人恩貢

陳于宁 市東廂人

李獻嶸 道德坊人九年歲貢

薦辟

元

覃克修 中西都人澄之子陝西按察使

覃克柔 中西都人澄之子通使舍人

覃克思 中西都人澄之子中山府知府

郝佑 天挺之子見人物

婁秀 樞密院參政提點司天臺當時以太原秀才呼之老乞致仕

覃忠 中西都人保德州同知南康府判

覃質 中西都人兵部侍郎

解 瓊 義之子達魯千戶

明

李 祥 成村都人錦衣衛百戶

李承文 成村都人錦衣衛百戶

郝 勳 青村都人嘉靖乙丑科武進士水泉守備

解 梁 西南都人冠帶將軍

胡體義 市崇坊人萬曆己卯科武舉

韓 臺 封 市東廂人九德之子兩科武舉 岔口村

丁 掄 市東廂人武舉

閻大卿 奈西都人甲子科武舉

田啓臺 道德坊人斯茂之子武舉

常鎮魯 陽渠都人茂之曾孫武舉

解之宗 來蕪坊人學禮之曾孫武舉

薛朝宰 壬午科武舉癸未會副

張 鏊 成村都人壬午科武舉

國朝

順治

張 錡 成村都人丙戌科武進士授陝西寧夏屯田守備

張學孔 成村都人戊子科武舉

呂成名 市東廂人湖廣鎮守即襄等處叅將已酉陞協鎮直隸涿州等處叅將

魏龍 太平坊人戊子科武舉

張大升 大陵屯人乙酉科武舉

閻珽 奈西都人甲午科武舉

李敏覺 道德坊人丁酉科武解元

惠氏
奈西都人
武舉

塵襲

國朝

康熙

武之爽 屯蘭都人攀龍之子

例授

明

胡

縉

市崇坊人昂之子體乾之祖永平府通判入名宦

閻

肅

饒陽主簿

徐隆

肅之子洛陽主簿

徐景和

韓

鉞

中城兵馬成都府通判

耿

睿

涑上縣丞

覃繼元

王 弼 蓬萊主簿

單繼芳 鴻臚寺序班陞鳴贊沈立知縣

韓宗堯 武城縣丞

韓 瑄 原瓶都人白河主簿

單 鐸

和仲仁 南洛縣丞

張文正 魚臺縣丞

張天倫

單 鉞 青州府知事

單 鑑 衛府典簿

張天秩

胡 綺 市崇坊人昂之侄崇府典寶

徐永紹 隆之子饒州府檢校

徐永富 隆之子建昌檢校長州主簿

魏 順

郭 忠 辛南都人香河安化縣丞

徐 行

徐 鑑 襄陽府知事

武希古

胡廷賓

魏鉉

呂成章

呂寅

張起鳳

固安主簿中牟縣丞

覃研思

遼東知事

孫鑰

臨洮府經歷

韓柳童

祐之子

白舟

河南按察司檢校

賈廷佑

江西都司經歷

解古訓

理之曾孫保定府檢校

李樞

天昇之子壽張縣主簿

李槐

景之孫

覃濂

中西都人高苑主簿陸荆府典寶致仕

王松

鞏昌府經歷

喬雲鴻

乾州吏目

解廷冕

西南都人古訓之孫湖廣鄖陽府照磨

胡與蓮 市崇坊人體乾之子

楊天麒 京衛經歷

曹邦俊 崇儒坊人署篆之子

張璜 米東都人

劉紳 太平坊人例貢

曹邦禎 崇儒坊人署篆之子

武接湯 市東廂人

李敏識 道德坊人

國朝

武之舉 屯蘭都人攀龍之子附監考授主簿

常大孝 陽渠都人大忠之弟准貢考授州同知

李若湛 市東廂人之奇之任

常大至 大忠之弟

雜職

趙吉士曰三代以後得人之盛莫如漢而其時名臣將相半出於吏胥蓋吏胥之徒皆習律令明制度其於人情物變罔不周悉而無遺故能小事詳慎大事立斷卓然可以爲世用近代偏重科甲凡士子自成童至老死遺器求道游心於無用之精微發於言雖聖賢無以加見之事莫不方鑿而圓枘以之處常尙不遑而望其應變難矣吾考交邑歷明三百年凡由吏胥進無

顯者豈吏胥果不足用耶抑畫其途俾終不得
進也噫

明

解康 一經一貫之父保定府司獄

劉志 體仁之父安寧驛丞

張韓 西和典史

雙仲道 典史

楊文海 卻陽主簿

楊寓 盧氏典史

徐秉直 西安府稅課司大使

郭相 文登倉大使

房德新 宣府大使

張鴻翼 北京倉大使

趙澤 卻水驛丞

樊體佑 水安驛丞

王德馨 巡檢

王階 却鞏典史

張經魏

王恒 熊之父將樂主簿

王熊 朝綱之祖隴西典史

張璧 米東都人河南裕州吏目

呂孝經 西南都人山東卽墨縣典史

張六師 米東都人璧之任寶坻縣典史

解吾仁 來蕪坊人彰德府大使

國朝

順治

閻士秀 太平坊人浙江寧波府鹽大使

雜科

明

徐景陽 授醫學訓科

康仲萱 精明醫道選授醫訓科

牛駢 授陰陽學訓科

交城縣誌

卷之七

人物攷目錄

計六條

錢塘

趙吉士編次

鄉賢

貤封

孝義

貞烈

耆善

仙釋

附

交城縣誌

卷之七

人物攷

山川毓秀賢哲篤生是邦家之光也交鍾卦岳
汾水之祥俊傑挺出其文華武烈忠孝節義蜚
英騰茂今昔僉著足以垂範彰教可謂盛哉嗚
呼事固有曠百世而相感者豪傑之士其不有
與乎誌人物

趙吉士曰荆楊之間多秀民燕趙之間多慷慨
非天之降才爾殊也山川靈氣所鍾分剛分柔

雖天亦有不得而主者焉交前後行霍左右河
汾其山嵯峨而多竒其水激蕩而奔駛故其人
大都岷然有以自立而于君臣父子夫婦之際
多烈節焉吁今之交猶古之交也聞伯夷之風
者頑夫廉懦夫有立志吾益誌交之人物而竊
有感也

鄉賢

趙吉士曰由春秋及今二千餘年交之名賢可
述者十數而已然其間若狐氏父子及張承業
等豐功大節卽上下史書有不多見者雖與日
月爭光可也豈交邑所得而私焉哉其外數子
固未可同日論要皆卓然不凡與世俗所稱者
異有之也竒故其生之也不易夫子曰才難不
其然乎

春秋

狐 突

突字伯行子二曰毛曰偃據常昭注云其先出自
唐叔爲晉大夫女狐姬實生重耳齊姜生太子申

生俱被驪姬讒先使申生主曲沃復使之伐東山
臯落氏突爲之御乃歎曰時事之微也衣身之章
也佩褱之旗也服以遠之時以闕之麗涼冬殺金
寒玦離胡可恃也東山可盡乎太子將戰突諫曰
不可今亂本成矣立可必乎孝而安民子其圖之
與其危身以速罪也及申生奔新城使人辭突曰
申生有罪不聽伯氏之言也以及於死申生不敢
愛其死雖然吾君老矣子少國家多難伯氏不出
而畱吾君伯氏苟出而畱吾君申生受賜而死再
拜稽首乃卒晉侯改葬申生謚恭太子秋突之下
國遇太子太子使登僕而告之曰夷吾無禮余得
請於帝矣將以晉畀秦秦將祀余對曰臣聞之神
不歆非顛民不祀非族君祀母乃殄乎且民何罪
失刑之祀君其畱之太子曰諾吾將復請七日新
城西偏將有巫者而見我焉及期而往告之曰帝
許我罰有罪矣後惠公果不昌敝於韓懷公立命
無從亡人期期而不至無赦時突子毛偃從重耳
在秦弗召懷公執突曰子來則免對曰子之能仕

父教之忠古之制也策名委質貳乃辟也今臣之
子在重耳有年矣若又召之教之貳也父教子貳
何以事君刑之不濫君之明也臣之頭也淫刑以
逞誰則無罪臣聞命矣遂伏劍死賢哉矣也知亂
本之成欲以孝安其民知也終始存晉祀仁也不
教子以貳乃辟忠也伏劍而死勇也宜鄉人在在
祀之千百世而不衰也與宋大觀二年賜忠惠廟
宣和五年封利應侯馬鞍山有墓

見左傳史記檀弓

狐毛

楚成王復諸侯圍宋宋公孫固如晉告急先軫曰
報施定霸于今在矣狐偃曰楚新得曹而初婚於
衛若伐曹衛楚必救之則宋圍於是晉作三軍使
狐偃將上軍狐毛佐之

詳史記晉世家

狐偃

偃字子犯突之子也晉文公爲公子時出亡在外
十九年偃從之獻公卒秦穆公使人弔之且曰得
國恒於斯失國恒於斯孺子其面之以告舅犯犯
曰孺子其辭焉喪人無寶仁親爲寶父死之謂何

又因之以爲利天下其孰能說之其辭焉遂奔狄處狄十二年而行過衛衛不禮出五鹿乞食野人與之塊公子怒子犯曰此天賜也拜受而載之過齊桓公以女妻之五年不反齊姜與子犯謀醉重耳載以行行遠而覺重耳怒欲引戈殺之子犯曰殺身成子偃之願也乃止過鄭不禮叔詹諫曰天之所啓人弗能及晉有三士足以上人偃其一也及返國秦伯師於河上子犯言於重耳曰求諸侯莫如勤王諸侯信之且大義也繼文之業而宣信

於天下今爲可矣後楚師背御而舍晉侯患之子犯曰戰也戰而捷必得諸侯如其不捷表裏山河必無害也狐毛設二旆而退之偃以上軍夾攻楚師敗績次於衡雍乃作王宮於踐土歸國行賞以偃爲首或曰城濮之事先軫之謀晉侯曰城濮之事偃說我無失信先軫曰軍事勝爲右吾用之以勝此一時之利偃言萬世之功奈何以一時之利而加萬世功乎是以先之晉之卒成霸業偃之力居多

見左傳史記檀弓

五代唐

張承業

僖宗光啓中主邵陽軍士入爲內供奉至昭宗以爲河東監軍謀復唐室事晉王爲其養民蓄財圖成霸業晉王賜以開府儀同三司燕國公承業固辭不受終身唐官晉得傳國璽將佐及藩鎮勸進不已乃令有司市王造法物得魏州僧獻傳國寶張承業亟詣魏州諫曰吾王世世忠於王室今河北甫定朱氏尙存而王遽卽大位殊非從來征伐

之意天下其誰不解體乎何不先滅朱氏復列聖之深讐然後求唐後而立之南取吳西取蜀合爲一家當是之時雖使高祖太宗復生誰敢居王之上讓之愈久則得之愈堅老奴之志無他但以受先王大恩欲爲王立萬年之基耳胡致堂曰張承業之志行雖縉紳士大夫有遠不能及者可以爲內侍之師法矣爲晉養民畜財軍興不乏取也受克用顧託不敢違負忠也行法不寬貴戚不以官物爲私禮公也晉王欲使分過終不承命守也居

唐官終其身義也使中常侍皆率此道烏有趙高
石顯張讓之禍哉謚正憲洪安有墓

見五代史通鑑

安永信

智勇過衆文武兼資爲唐節度使卒謚忠簡晉天
福二年贈太師

元

張德輝

德輝字輝卿冀寧交城人少力學數舉於鄉金貞
祐間兵興家業殆盡試掾御史臺會盜殺卜者有

司蹤跡之獲僧匿一婦人榜掠誣服獄具德輝疑
其冤其後果得盜趙秉文楊慥咸噐其材金亡北
渡史天澤開府真定辟爲經歷官歲乙未從天澤
南征籌畫調發多出德輝天澤將誅逃兵德輝救
正配令宄城光州華山農民爲寨以自固天澤議
攻之德輝請招之降全活甚衆歲丁未世祖在籓
邸召見問曰孔子歿已久今其性安在對曰聖人
與天地終始無往不在殿下能行聖人之道性卽
在是矣又問或云遼以釋廢金以儒亡有諸對曰

遼事臣未周知金季乃所親睹宰執中雖用一二
儒臣餘皆武弁世爵及論軍國大事又不使預聞
大抵以儒進者三十之一國之存亡自有任其責
者儒何咎焉世祖然之因問德輝曰祖宗法度具
在而未盡設施者甚多將如之何德輝指銀幣喻
曰創業之主如製此器精選白金良匠規而成之
畀付后人傳之無窮當求謹厚者司掌乃永爲寶
用否則不惟缺壞亦恐有竊而去之者矣世祖良
久曰此正吾心所不忘也又訪中國人材德輝舉

魏璠元裕李治等二十餘人又問農家作勞何衣
食之不贍德輝對曰農桑天下之本衣食之所從
出者也男耕女織終歲勤苦擇其精者輸之官餘
倉惡者將以仰事俯育而親民之吏復橫歛以盡
之則民鮮有不凍餒者矣歲戊申春釋奠致胙於
世祖世祖曰孔子廟食之禮何如對曰孔子爲萬
代王者師有國者尊之則嚴其廟貌修其時祀其
崇與否於聖人無所損益但以此見時君崇儒重
道之意何如耳世祖曰今而後此禮勿廢世祖又

問典兵與宰民者爲害孰甚對曰軍無紀律縱使殘暴害固非輕若宰民者頭會箕歛以毒天下使祖宗之民如蹈水火爲害尤甚世祖默然曰然則奈何對曰莫若更遣族人之賢如口溫不花者使掌兵權勲舊則如忽都虎者使主民政若此則天下均受賜矣是年夏德輝得告將還更薦白文舉鄭顯之趙元德李造之高鳴李槃李濤數人陛辭又陳先務七事敦孝友擇人才察下情貴兼聽親君子信賞罰節財用世祖以字呼之賜坐錫賚優

渥有頃奉旨教胄子孛羅等壬子德輝與元裕北覲請世祖爲儒教大宗師世祖悅而受之因啓累朝有旨蠲儒戶兵賦乞令有司遵行從之仍命德輝提調真定學校世祖卽位起德輝爲河東南北路宣撫使下車擊豪強黜職吏均賦役耆耄不遠數千里來見曰六十年不復見此太平官府矣戴之若神明西川帥紐鄰重取兵千餘人守吏畏其威莫敢伸理隸鳳翔屯田者八百餘人屯罷兵不歸籍會僉防戍兵河中浮梁故有守卒不以充數

悉條奏之帝可其請兵後昇民多依庇豪右及有
以身傭藉衣食歲久掩爲家奴悉遣還之爲民二
年考績爲十路最陞見帝勞之命疏所急務條四
事一曰嚴保舉以取人材二曰給俸祿以養廉能
三曰易世官而遷都邑四曰正刑罰而勿屢赦帝
嘉納焉遷東平路宣慰使春旱禱泰山而雨東平
賦夥獄繁視河東相倍蓰凡遇贖奸悉窮之不少
貸奏免遠輸豆粟二十萬斛和糶粟十萬斛寶合
丁議賦蠲絲令民稅而後輸德輝曰是誣上以毒

下也且後期之責孰任之遂罷其事孀婦馬氏將
鬻其女以代納逋賦分已俸代償之仍蠲其額至
元三年秋參議中書省事五年春擢侍御史辭不
拜有言沿邊將校冒代軍士虛糜廩幣者勅按之
奏曰在昔將校備嘗艱阻與士卒同甘苦其年少
子弟襲爵或以微勞進用豈知軍旅之事乎使朝
廷遣使覆按此省院素失約束耳痛繩之則令不
自安第易其部署選武毅才畧者任之庶使軍政
自新又時委司憲者體寬庶革其弊有旨命德輝

議御史臺條例德輝奏曰御史執法官今法令未明何據而行此軍行之不易陛下宜慎思之有頃復召曰朕慮之熟矣卿當力行之對曰必欲行之乞立宗正府以正皇族外戚得以糾彈女謁母令奏事諸局承應人皆得寃治帝良久曰其徐行之德輝請老命舉任風憲者疏烏古倫貞等二十人以聞初河東歉請於朝發常平貸之并減其秋租有差賦役不均官吏並緣爲姦賦一征十年不勝其困苦民率流亡德輝閱實戶編均其等第出納

有法數十年之弊一旦革去德輝天資剛直博學有經濟器毅然不可犯望之知爲端人然性不喜嬉笑與元裕李冶游封龍山時人號爲龍山三老云卒年八十 見元史列傳

郝天挺

天挺字繼先出於朶魯別族自曾祖而上居安肅州徙交城父和上拔都魯太宗憲宗之世多著武功爲河東行省五路軍民萬戶天挺英爽剛直有志畧受業於遺山元好問以勲臣子世祖召見嘉

其容止有旨宜任以政俾執文字備宿衛春宮裕宗遇之甚厚建省雲南選官屬遂除叅議雲南行尙書省事尋陞叅知政事又擢陝西漢中道廉訪使未幾入爲吏部尙書尋除陝西行御史臺中丞又遷四川省叅政及浙江行省左丞俱不赴拜中書右丞與宰相論事有不合輒面斥之一日以奏事敷陳明允特賜黃金百兩不受帝曰非利汝也第旌汝肯言耳成宗崩仁宗以太后命首定大難及武宗還自朔方遂入正大統定策之際天誕與有力焉仁宗臨御收召故老天挺與少保張閭等十人共議大改革尙書省之弊遂成皇復之治又出爲江西河南二省右丞召拜御史中丞入見首陳紀綱之要以獵爲喻曰御史職在擊奸猶鷹揚焉禽之弱者易獲也其力大者必借人力不然不惟失其前禽仍有傷鷲之患矣帝嘉其言旣出台臣皆以爲賀風紀大振又上疏陳七事曰惜名爵抑浮費止括田久任使論好事獎農務本勵學養士詔中書省舉行之尋俾均逸於外拜河南行

省平章政事時河南王卜憐吉反爲丞相待以師
禮由是政化大行皇慶二年卒年六十七贈光祿
大夫中丞平章政事在國追封冀國公謚文定天
挺嘗修雲南實錄五卷又註唐人鼓吹集一十卷
行於世子佑 見元史列傳

郝佑

佑字君輔小字朶魯別台由宿衛補官仁宗時拜
殿中侍御史以廉直著名大受知遇遷陝西行省
叅知政事拜陝西行御史臺侍御史

郝忠恕

佑之子翰林侍制獻所著無逸圖帝悅命總裁宋
遼金三史成歸隱終身學宮卦山有篆書碑文 詳見

一統誌

單資榮

資榮字茂卿德興懷來人敦厚寡言頗知讀書金
末爲交城令元兵下河朔乃以縣來附主帥稔聞
其名賜金符爲元帥左都監仍兼交城令未幾賜
虎符行元帥府事從征汴有功尋移病舉弟資用

代克元帥府退而耕田讀書爲逸老計年四十子
二曰澄曰山阜

單資用

交城令官至定遠大將軍元帥左監軍

單澄

澄字彥清資榮之子襲父職幼穎敏爲交城令時
年十九有文谷水分溉交城田文陽郭帥專其利
而堰之訟者屢歲莫能直澄折以理令決水均其
利於民豪民有持吏短長爲奸者察得其主名皆

以法治之歲乙未籍民戶有司多以浮客占籍臨
征賦逃竄殆盡官爲稱貸積息數倍民無以償澄
入覲因耶律楚材面陳其事太宗惻然爲免其逋
私負者年雖多息取倍而止平民能歸者復三年
詔下公私便之壬子後大籍其民澄盡削交城之
不土著者賦以時集甲寅世祖還自大理澄進見
畱藩府凡遣使必以澄偕而以弟山代爲交城令
時世祖以皇弟開藩京兆總天下兵歲丁巳有間
之者憲宗疑之遂解兵柄遣阿藍荅兒往京兆大

集官吏置計局百四十二條以考覈之罪者甚衆
世祖每遣左丞濶濶與澄周旋其間以彌縫其失
及親入朝事乃釋中統元年世祖卽位擢懷孟路
總管俄賜金符換金虎符歲旱令民鑿唐温渠引
沁水以溉田民用不饑教之種植地無遺利至元
二年遷河南路總管改平灤路總管七年入爲司
農仍出爲京兆總管居一年改陝西四川道提刑
按察使建言不孝有三無後爲大令民年四十無
子任娶妾以爲宗祀計朝廷從之遂著爲令四川

僉省嚴忠範守成都爲宋將咎萬壽所敗退保子
城世祖命澄代之至則葬暴骸修焚室賑饑貧集
逋下民心稍安會西南夷羅羅斯內附帝以撫新
國宜擇文武全才遂以澄爲副都元帥同知宣慰
使司事比至以疾卒年五十八世祖嘗與太保劉
秉忠論一時守牧秉忠曰若邢之張耕懷之譚澄
何憂不治哉游顯宣撫大名嘗爲諸路總管求虎
符宣麻澄過中書辭曰朝廷不識覃澄耶乃爲顯
所舉中書特爲去之其介如此子克修歷湖北河

南陝西三道提刑按察司 見元史列傳

覃克修

澄之子官至陝西漢中道提刑按察使贈禮部尙書追封弘農郡侯謚文憲

覃克思

澄之次子任中山知府上騎都尉封弘農郡侯其叔山阜知東勝州兄克柔任通使舍人克修子長忠以南洛尹遷保德州同知次質先除是州判官皆以治蹟聞忠陞南康之府判質至兵部侍郎次文任河南省宣慰使克思子敬任漢陽知府有績高祖題名世絲譜存焉

聶天章

至元十九年登進士第善文辭有修行授朝列大夫左遷趙城令歸隱不出

明

解一經

理之孫一貫之兄號月川弱冠勤學以詩經中弘治甲子鄉試授平原令修學校鑄祭器遇荒散祿

米以賑之政聲大著陞武定守尤耿介執法同知萊州府徵稅有法餽贐一無所取獎勵四十次陞南京戶部員外郎中奉勅管理倉庫曲盡心力公署有黃鳥巢竹之祥陞雲南廣西府知府定格課學化暴爲良遇征安南選爲左哨率兵前進賊夜遯走朝廷遣使嘉賞歷任三十年操持益堅上疏乞歸居數椽靜坐談玄淡薄自竝家人請託以濟困則曰貪非素志寧餓死不爲也隆慶二年恩例進階亞中大夫臨歿焚香端坐而卒壽九十有六

萬曆十三年從祀鄉賢所著有啓筌錄自撰墓誌并戒詞稱于時

李執中

公號新軒侍御之奇之父給諫武攀龍之師也家貧失怙蚤苦志業儒成子衿事母菽水承歡朝夕必視問焉時弟方弱冠積訓蒙束修爲弟謀婚娶弟亡撫姪同巳子及長婚娶如弟時慰父母之心篤兄弟之誼宗族鄉黨以孝弟稱歷生平未嘗輕言笑善氣迎人從遊者如坐春風中遇饑寒必索

濟之而始安人以李佛呼之崇禎十三年論定公舉從祀鄉賢

武承甫

公字爻山屯蘭都人給諫攀龍之祖父也賦性醇和樂善不倦幼失怙孝於母友於兄弟周恤宗族以及閭里無吝惜待以舉火者甚衆歲凶出錢粟傾囊以周給之與人樂易慈良從未有以睚眦相校者爲善自然終其身如一日云邑人賢之康熙五年公舉從祀鄉賢

地封

明

常 琰

以子茂貴封監察御史

李得勝

以子景貴封戶部郎中加贈中憲大夫南康府知府

李 景

以子天賦貴封文林郎監察御史加贈苑馬寺正卿

韓 鏞

教諭以子祐貴贈徵仕郎吏科左給事中

解 康

司獄以子一買貴贈徵仕郎工科給事中以子一經貴加贈奉直大夫戶部員外郎

胡方猷

以子體乾貴贈文林郎貴州道御史加贈中憲大夫浙江副使

韓 鉞 以子宗禮貴贈奉政大夫潘府左長史

韓 灌 知縣以子鉞貴贈文林郎中兵馬副指揮

申時祿 以子純貴贈文林郎河南開封府滎澤縣知縣

孫 鳳 以子凱貴贈徵仕郎虎賁衛右經歷

孫 昂 以子繩武貴贈文林郎兵馬副指揮

韓 定 以子遇暉貴贈承德郎錦衣衛經歷

魏 冕 以子恭貴封文林郎新安縣知縣

覃紹祖 知事以子璧貴贈承德郎鷹揚衛經歷

徐大本 以子肅貴封承德郎戶部主事

李執中 生員以子之奇貴贈徵仕郎行人司行人

國朝

武承甫 以孫武攀龍貴 贈中大夫江南分守江寧兵備道布政使司叅政

武 篆 以子武攀龍貴加 贈中大夫江南分守江寧兵備道布政使司叅政

常 貢 以子大忠貴 贈文林郎江南安慶府潛山縣知縣

呂士元 以孫成名貴 贈昭武將軍

呂 龍 以子成名貴 贈昭武將軍

明

田氏 常茂母封孺人

趙氏 李景母封宜人

高氏 李天賦母封宜人

王氏 韓祐母贈宜人

孫氏 解一經一貫母贈宜人

李氏 胡體乾母封恭人

石氏 韓宗禮母贈宜人

閻氏 魏恭母贈孺人

胡氏 孫凱母封孺人

劉氏 孫繩武母贈孺人

閻氏 孫璧母贈安人

石氏 韓鈇母贈孺人

王氏 申純母贈孺人

王氏 韓遇暉母贈安人

孫氏 徐肅母封安人

張氏 李之奇母封孺人

岳氏 武攀龍祖母 贈淑人

曹氏 武攀龍母 贈孺人加贈淑人

申氏 常大忠母 贈孺人

劉氏 呂成名祖母 贈淑人

申氏 呂成名母 贈淑人

國朝

明

路氏

解一經妻封宜人

閻氏

解一貫妻封孺人

鄭氏

胡體乾妻封恭人

楊氏

宋氏

解學禮妻封孺人

張氏

韓宗孔妻贈孺人

高氏

魏恭妻封孺人

耿氏

孫凱妻封孺人

潘氏

孫繩武妻封孺人

趙氏

武氏

韓遇暉妻封孺人

劉氏

韓鉞妻封孺人

胡氏

申純妻封孺人

張氏

徐肅妻封安人

白氏

李之奇妻封孺人

國朝

蘇氏

武攀龍妻

贈孺人加贈淑人

田氏

武攀龍繼妻

封淑人

薛氏

常大忠妻

贈孺人

鄭氏

常大忠繼妻

封孺人

史氏

呂成名妻

封淑人

孝義

趙吉士曰子以孝名夫以義名倫之變也然不幸而處其變猶幸而孝焉義焉則爲之親與爲之妻者亦可以無憾矣吾叙孝義非樂道之不忍沒之云爾

孝子

明

呂誠

太平坊人醇朴謹慎母死不入私室哀甚幾滅性及塋廬墓三年鄉人以孝稱焉

孫昂

字伯雲天性純孝父沒廬墓三年群鴉悉集朝去晚來一日之蒲州將渡黃河一老人日待別船來與女同渡昂止旣而中流舟覆昂獨得免人皆以爲孝感所致

常福

邑學生陽渠都人父克言故臥於棺旁不入私室及葬成禮卽日廬墓左寢苦枕塊日夜悲泣如是者三年萬曆九年有司旌其孝

國朝

任道遠

米東都人天性純孝生平不讀書晨昏問視出于至誠迨事繼母如生母知縣米世發申請旌獎曹當立又申詳旌獎

義夫

明

徐永韶

丁酉科刑部主事肅之孫西安府檢校年二十九妻張氏故誓不再娶守義八十一歲而終

國朝

李永新

生員市東廂人妻孫氏卒鰥居四十餘年不再娶年七十卒

韓魚義

道德坊人妻呂氏亡四十餘年不再娶年七十今見存

貞烈

趙吉士曰忠臣孝子出於性感於學毅然爲之而不疑卓矣至若婦人女子目不覩先王之書耳不聞先王之言彼固不知貞烈之義何居也乃能臨難慷慨寧死不辱或終身嚼然卽死者復生生者不愧此豈有所爲而爲之者哉有所爲而爲君子固將取之况于無所爲而爲歟吾誌交人物輯貞烈哀其心悲其遇蓋爲之三復而流涕也

貞婦

明

胡氏

胡文女年十七歲嫁蘇子良為妻子良卒誓不再醮守節六十七歲人服其節明萬曆元年旌其門

呂氏

呂廷佐女年十六歲聘任粥為妻方十九甫生一子而粥亡孀居守節七十八卒鄉人稱之上司聞而旌獎焉係米東都人

王氏

王宗儀女年十六聘楊希儒儒早亡氏無出有庶出二子往往富家求娶泣曰母老子幼吾去若將何之吾終為楊氏鬼耳矢志堅貞事母育子終始如一有司聞而旌表之

孫氏

孫正女年十六聘生員韓宗周為妻周逝氏年十九勵志守節撫育遺孤韓偉至於成立年八十有四而卒又偉妻劉氏劉治邦女偉故氏年二十一念姑孫氏孀居無人侍養誓不再嫁年八十有六全節以終鄉人稱為一門雙節上司旌表其門

張氏

史萬庄妻庄卒氏年十九舅姑老子幼氏養親恤孤誓不再適宗人長者不能奪其志也壽七十有四萬曆十六年當道以貞節表其門

翟氏

翟天雷女適韓宗信信故氏年二十痛夫早亡
囑工斲棺闊大欲偕亡附葬即晚自縊救醒不
七日卒縊死按院宋公旌其門

國朝

韓氏

庠生韓與祥之女道德坊人生員李成秀之妻
也事舅姑孝事夫敬年二十二歲甫舉一子法
而成秀亡守節教子法得成立今為廩生康熙
八年氏年七十一歲合縣公呈舉節縣令趙吉
士批云少年失偶栢舟之矢既堅訓子有成熊
九之訓倍苦誠堪砥柱狂瀾維風彤管者也允
入邑乘

楊氏

庠生楊邦彥之女市東廂義耆丁珣之妻年方
二十一歲珣亡苦志守節窮約不變年七十有
六康熙八年闔學公舉縣令趙吉士批矢鵠育
年茹荼儉歲堂前菽水不間於人言膝下芹香
克全其母訓末俗頽風其能有幾允宜載乘以
勵貞操

許氏

水東都人生員衛之屏妻貢生衛懿典母也夫
卒年三十歲誓不改節時西山寇亂播遷無寧
日操持不渝年八十三今存

常氏

陽渠都人儀賓常考文之女西南都解一經之
曾孫解應乾妻也幼讀女經列女傳適乾五載

乾故一子襁褓戚屬勸以再醮氏直斥之終其身簪珥不飾茹荼育孤子文光孫廩生三才率成立年七十一卒康熙八年公呈舉節縣令趙吉士批常氏但知有夫忘其爲貴作苦終身室同懸罄恩勤晚節名起傳經有後勿替箕裘于今宜書彤管

閻氏

市東廂人郭傑之妻也生子未離襁褓夫遂永訣撫孤成立茹荼四十餘年子孫繁盛康熙八年公呈舉節縣令趙吉士批閻氏母德代終女貞守節昔年抱子遠歷饑寒今者弄孫時聞呱泣內舉應不避親清操實可勵俗

張氏

中西都人覃可仕之妻單節之母年十七歲夫卒矢志守節巨室百計求之不能得年八十二歲今存

王氏

安定都人郭倫新之妻夫卒家貧敗絮遮身終不他適年八十歲今存

張氏

來蕪坊人解文煥之妻夫卒年二十五歲以撫孤爲已任一子僅十五復天有勸再醮者氏厲色拒之衣食不給毫無愠色今存

連氏

來蕪坊人解鋌之妻鋌下氏年二十四歲矢志守節孤子解之精復早亡遺孫解文燦尙在襁褓精妻楊氏亦撫孤守節不嫁

楊氏

中西都人覃成象妻楊登旺女也夫故氏年十八歲矢志守節孝養舅姑撫育遺孤人無間言

烈婦

明

曹氏

中西都馬安坪聶三之妻天啓初年山賊嘯掠鄉村氏方二十三歲賊欲淫汚給以他辭稍緩乘便自縊有司申其事于道院詳批每年給穀三石以養公姑大叅王公作誄刻石於演武場

安氏

水東都康家社惠貞旺妻也明末大亂氏年一十九歲生女甫三月夫被殺公姑以孀婦避難不便欲更適之氏聞啼哭終日至夜臥女於床潛出縊死於龍王廟

國朝

孫氏

曹氏

孫氏李珮之妻曹氏李環之妻俱市東廂人時本縣西山寇盜肆掠妯娌相勵誓不受辱賊至逼脅相繼投井賊出之者再二婦厲罵復投井死賊怒覆以大石而去

耆善

閻表

太平坊人明正德六年饑出米一千二百石輸官賑濟有司奏開建坊旌表

王文

市南廂人明正德六年輸粟一千二百石賑濟建坊旌表

陳立

西隅坊人明正德六年出粟一千二百石賑濟有司上其事建坊旌表

國朝

呂泰中

首貢生太平坊人清白端方矩步不踰學使者
傳公文公兩旌優行

楊漸達

道德坊人平居勸人孝弟收葬無主之骨者三
載壽八十餘一日與其子復興日我魄當降想
在今夕矣是夜漏三下索浴湯盥畢而逝

郭秀

增生市東廂人博通素問諸書施藥濟衆修學
修城俱載碑記督學使袁公旌優行知縣李世
鐸舉鄉飲

覃敏

庠生中西都人公勤任事時秋熟民有盜其禾
者見之色沮乃慰之曰此非我田也爾乏食取
之何妨盜亦慚服績載修城碑記知縣薛國柱
舉鄉飲

解吾義

庠生來蕪坊人廉隅自持出入捐助動以萬計
沙忽羨餘七兩悉歸公用修學修城俱載碑記

仙釋附

緇黃之流在吾道爲異端辭而闢之可也顧紀
之者詎直爲崇正者知所攷據哉蓋緇衣者能
以絕欲致覺黃冠者能以靜養得仙而龍潭之
教及禽鳥僧錄之德動人君不止可爲彼流建
赤幟其跡吾儒中昏昏自沮卑卑自棄者殆異
日談矣

趙吉士曰誌亦史也司馬遷作史記述黃老班
固譏之吾輯誌不廢仙釋無乃惑歟子輿有云

君子反經而已矣忠孝節義之風興則報應虛無之說息吾故取而列之人物之末云

唐

石頭道人

姓張氏忘其名隱居西冶山善玄養能知來自號石頭道人嘗有詩云去去依然在呵呵一石頭青山常在伴明月幾時休又言九月九日我當昇天至日果不見

果老

姓張氏字園林本縣東關小南巷人世再為八洞仙之一嘗乘白驢至阿蕪山以鐵箠括石為穴金驢入焉今古崖中穴跡尚存又按祁縣誌古蹟內有果仙飲驢跡

元魏

曇鸞祖師

見續高僧傳

曇鸞鴈門人也時未志學便即出家內外經籍及於四論佛性彌所窮研讀大集經恨其詞義深密因而注解成疾周行醫療行至汾州城東門忽見天門洞開由斯疾愈欲繼前作願而言曰命危脆不常江南陶隱君者方術所歸遂往從之既達梁朝屈隱君山所接對欣然便以仙方十卷酬之還至浙江有鮑郎子神者一鼓湧浪七日正值波初鸞以情祈告帖然安靜依期達魏辭往名山依方修法至潞下逢中國三藏菩提留支鸞往祈日佛法中頗有長生不死法勝此土仙經者乎支即以觀經授之曰此大仙方依之修行當得解脫生死也鸞尋頂受行化他郡調心練氣對病結緣流靡弘廣魏主重之號為神鸞焉勅令住并州大寺晚移住石壁玄

中寺聚徒蒸業魏興和六年卒卒之日旛花幢
蓋香氣遶勃音聲繁闢預登寺者金同曠之因
出調氣論又撰禮淨土十二偈續龍樹偈安樂
集兩卷等廣流於世仍自號爲有魏玄簡大士
云

宋

龍潭祖師

不知何許人嘗居石壁寺每夜誦華嚴經有鳩
生於縣北坡底村榮家啼泣不止師尋至語其
父曰汝二兒許爲吾徒可令不泣父諾卽以手
摩其頂曰我徒勿泣勿泣果止稍長俱從師戒
苦修于石壁寺北溝西崖下今名龍堂者四十
年俱坐化世稱鳩鵲二祖崖東坡有石庵顯蹟
二祖遺像在焉顏貌甚古

鳩鵲二祖 出處見上

元

大漢僧錄

姓聶氏法名安身長九尺能解空門法眼又能
誦呪驅邪通藏經千餘卷時以異人尊禮之中
統三年朝廷聞名召入欲爲殿中將軍固辭不
拜遂命爲本縣僧錄司僧錄賜禪衣二件上織
龍鳳山河最爲工巧傳言自宮中製也卽號大
衣禪師後圓寂焚化有舍利紅光之異大衆建
大塔于安定村寺中以藏師骨所遺二禪衣貯
于龍山永寧禪寺庫中世世守之以爲重寶至
今猶新焉